

I. N. I. C. S. N.
DISPUTATIO METAPHYSICA
D E

NECESSITATE & CONTINGENTIA

Quam

Divinâ providentiâ sic disponente
U T E T

Spectabili Collegio Philosophico consentiente & approbante.

In Regia Academia Christinæ Aboensi

S U B P RÆS I D I O

Viri Clarissimi

DNI. M: ANDREÆ THURONII,
Logices, Metaphysices ac Physices Professoris lau-
datissimi, nec non h. t. Rectoris Magnifici, fau-
toris ac promotoris sui certissimi, omni
observantia ætatem honorandi.

Pro Grada in facultate Philosophica, ejusq; privilegijs ob-
tinendis, discutiendam offert modesteq; proponit

N I C O L A U S M. Bagge Smolandus
S.R.M. Alumnus & S.S. Theol. Stud.

In Auditorio Majori, Die 22. Aprilis Anni 1663.

A B O AE,

Excusa à PETRO HANSONIO Acad. Typ.

VIRO Plurimum Reverendo & Praclarissimo
DN. M. SIMONI KEXLERO,
in Regia Aboënsi Academia Mathematum Professori celebre-
rimo, Pastori in Pessis vigilantissimo, Patrono, Nutritio-
ne ac Præceptor, quovis honore & obsequio
proseguendo.

Nobilissimo & Spectatissimo
DN. JACOBO Gyllenstale/ Hæredit. de Ra-
watula & Råttula &c. Vectigalium Aboæ Majorum præfe-
cto attentissimo, fautori & benefactori suo colendo.

Amplissimo & Consulissimo
DN. M. JOHANNI WASSENIO,
Aboënsi Adseffori Regio, nec non judici Territoriali, in
majori Savolaxia æquissimo, Promotori omni obser-
vantie cultu ætatèm prosequendo.

Spectatissimo ac Prudentissimo
DN. PETRO Gerg/ Regiæ Aboensis Acade-
mie Quæstori perindustrio, fautori ac benefactori
magnoperè colendo.

Reverendo ac Humanissimo
DN. GUDMUNDO ROTHOVIO,
Templi Cath. Aboens. Oecon: perfidi Consist: ibidem Eccles.
Notario attentissimo, sympatriotæ & benefactori pluri-
mum colendo.

Politissimo ac Prudentissimo Viro. Juveni
DN. LAURENTIO Bald: Illustrissimæ
& Generosissimæ Comit: Dnæ. MARIE DELA Gardie &c.
Aulæ præfecto, fratri ac studiorum quondam
commilitoni favissimo.

Dissertationem hanc inauguralem, in Gratitudinis & officia mentis pi-
gnus, atq. debita observantia documentum Reverenter & officiose
dedicas

Auth. & Resp.



Numen Maximum Benedicat Susceptis!

1508.

Ateria hæc digna mibi visa est, unde
ingenij Exercendi argumentum deducerem,
cum usus ejus in signis, ad omnes ferè facultates
& disciplinas redundet. Prodest enim in Tota-
tius Philosophiae Constitutione & Divisione,
objectum ejus determinando; Entia Necessaria
Theoretica; Contingentia vero practica pertractanda relinquens.
In specie quid commodet in hac vel illa Philosophiae parte, omni-
bus cognitionem ejusdem callentibus, satis superg̃ constat, quoti-
diana quoq; praxis usum horum terminorum, Necessitatis & Con-
tingentia, puta, abundè commendat. Quantus in Veneranda
Theologia (quò semper meus respexerat animus) sit hujus Do-
ctrina usus, nemo intelligit, nisi qui in certaminibus Theologi-
cis paulò accuratius versatus ac exercitatus est. Et ut ingenuè
fatetur Scheiblerus: utilitas qua est in omnium Terminorum Me-
taphysicorum declaratione, in hoc capite, scilicet De Necessitate &
Contingentia, imprimis elucet, propter gravissimas Theologorun
Disputationes, de providentia Dei: ejusdemq; præscientia, De viria
bus humanis, sive Libero Arbitrio, De peccato ejusq; causa, item
de Necessitate Bonorum Operum, in quorum locorum tractatione,
multa recensuit, Magnus ille Theologus, B. Chemnitius, imò pe-
culiaria de hac Materia consignavit capita, ob insignem in hisce
Articulis usum. Ex hac enim Doctrina constat, peccatum non
Necessariò sed contingenter esse introductum, & peccata adhuc
contingentia esse. Quantum lucis adfert Articulo de Bonis O-
peribus, B. Chemnitius haud obscurè demonstrat, illa nra: Necessa-
ria esse ratione Ordinis, Conscientia, Mandati & Debiti, non vero

meriti aut restitutionis ad salutem. Ex hac quoq; Dissertatione manifeste liquet. Præscientiam Dei non imponere rebus Neces- sitatem, sed hypotheticâ saltē Necessitate Deum res prævidere, quales sint futurae: unde liquidò patet Deum non esse causam pec- cati, prout Calviniani Malitiosè contendunt. Sit itaq; Deo Duce.

Th. I.

EPICUREOS, Necessitatē Negantes, & Fortui- tum omnium rerum eventum fingentes, refellit, pul- cherrimus earum ordo, & Necessarius Effecti cum cau- sa nexus; Sol perpetuò movetur & non sine miraculo quiescit, cum ortus est, Necessariò, efficit Diem. Hoc idem confirmant, qui monstrum, errorem Naturæ appellare solent. Cur enim diceretur aberrare, si omnia ejus effecta fortuita & Erronea? & cum nullus hodie facile reperiatur. huic sententiæ favens, ulteriori probatione supercedemus, pro rato firmoq; adserentes quicquid est, vel Necessarium vel Contingens esse.

Th. II.

Etymologiam sive allusionem qualemcunq; Vocis, Ne- cessere subministrat Scaliger, qui in lib: de c. Lat. ling. c. 166. dicit Necessere, dici, sine quo res non esse potest. Alijs per ἀνάγκην à cessando dicitur, quod ibi minime cesseretur.

Th. III.

Missa itaq; Etymologias deductione ipsam ὄμονυμίαν (cum Necessitatis nomen sit εἰς τὸν πολλαχῶς λεγομέ- νον) diluendam aggredimur, ne mater Errorum Lecto- rem in erroneas abducat vias. Ambiguè enim vox illa sumitut 1. In populari sermone & oratorio Necessarij sunt idem, qui amici vel cognati. 2. Significat aliquan- do Indigentiam, & Græcis dicitur ξρεῖα: quæ indicat in rerum difficultatibus sublevandis, non esse cessandum sed suppeditanda ea, quibus indigemus, sic Necessarius est ho-

est homini cibus ad vitam protogandam. 3. Notat coactionem qua Entia Rationalia contra voluntatem ad aliquid coguntur. 4. Violentiam, quâ rei naturali contrarianti vis infertur. hanc Græci vocant ἀνάγκην. 5. Utilitatem, quæ solet dici Necessitas expedientiæ, quæ facit ut finis facilius obtineatur. sic Necessaria est latina lingva ad eruditionem acquirendam. 6. Immutabilitatem quæ hujus l. est.

Th. IV.

Hic etiam non abs re monendum Necessarium aliter dici in *predicando*, quod nihil aliud est quam Necessitas complexa. sive propositio Necessaria, quæ habet immutabilem terminorum, subjecti puta & prædicati, nexum: Et hæc vel est *Absoluta* sine modo *Necessitate* addito, ut homo est animal. Vel *Modalis*, eundem habens additum: ut Necessitate est hominem esse animal. Aliter in *Causando*, quod nihil aliud est, quam causa Necessario agens, vel Necessitate *Nature* quomodo ignis, datâ ustibili materiâ, non potest non urere. *Vel Necessitate coactionis & violentiae*, quam utramq; Necessitatem, Arist. ad causam Efficientem reduxit. l. i. Rhet. c. 10. Aliter in *Afficiendo*, quo affectio inseparabiliter cohæret cum suo subjecto, quomodo risibilitas afficit hominem. Aliter in *Essendo*, de quâ nostra instituitur Dissertatio.

Th. V.

Definitur Aristot. τὸ μὴ ἐνδεχόμενον ἄλλως ἔχειν, h. e. Necessitas est quâ Ens non potest aliter esse vel aliter se habere.

Th. VI.

De ratione formalis Necessitatis multum controvertitur inter Philosophos; quidam adserunt invariabilitatem, quidam immutabilitatem, alij certitudinem. Quidam hisce

dimissis præcisè inhærent verbis Arist. quibus favet D. Calovius, svadendo, non præcisè urgendam esse immutabilitatem vel invariabilitatem, tanquam formale Necessitatis, sed acquiescendum in Explicatione Arist. quod tutius quoq; nobis videtur. Verum alijs res eodem recidere videtur, adeoq; immutabilitatem & invariabilitatem, prout h: l. explicantur, planè æquipollere. Cum & illæ ipsæ locutiones posse vel non posse aliter esse vel aliter sese habere, Necessariò ratione Entitatis & Essentie sint intelligentæ & explicandæ, imò, dicunt nihil aliud per immutabilitatem & invariabilitatem denotari quam ḥò non posse se aliter habere, ut Arist. definit. Etsi verò durum videtur D. Calovio mutabilitatem tribuere actibus Dei immanentibus Essentialibus ceu sunt decreta Divina, quæ ḥò ratiōne considerata verè sunt libera & contingentia: Hæc tamen mutabilia esse, asserere non verentur Georg. Rallen. & Casp. Ebelius, cum ratione Essentia suæ aliter se habere, vel aliter esse possint. Et quid hoc aliud est quam eorum Entitatem esse mutabilem. Quippe qui Actus libertatis sunt, non verò Necessitatis: Et libertas semper arguit contingentiam, quæ enim sunt Liberi Arbitrij, possunt non fieri. Contingentiam tamen Intrinsecam hic volumus intellectam, quæ ex parte agentis non arguit aliquam imperfectionem, sed potius perfectionem, quia libertas omnino perfectionis est; quanquam ex parte Actionum, adserente Calovio, quædam implicetur imperfæctio, scilicet quod possint non Esse vel Esse, atqui non est absconum, ait, Actionem Dei tantæ non esse perfectio- nis quantæ est ipse Deus. Siquidem hic existat Necessitate immutabili, ut non possit non esse; istæ verò possint etiam non Esse. Est quidem Deus Ens Necessarium non verò simpliciter Agens Necessarium.

Th. VII.

Necessitas itaq; prout Thesi V. definita est, & contin-
gentia, Totam Entis exhauiunt latitudinem, & sub com-
plexu utriusq; Disjunctionis Membri, cum Ente recipro-
cantur, ac intrinseca magis immeatione, cum Entis Es-
sentia sunt connexa, inque eo immediatè fundantur. pro-
ut enim entitas rei se habet, ita est vel Necessaria vel Con-
tingens.

Th. VIII.

Liberum, Tanquam Medium inter Necessarium &
Contingens, adserunt Connib L. S. Phys. c. 2. q. 5. a. 1.
Et hoc quidem ob actus Dei liberos, quos contingentes di-
cere, non sustinent. At cum authores isti De Actibus Dei
Transeuntib⁹ loquuntur, nihil obstat quo minus contingentes
dici possint: quia possunt esse & non esse, & propterea
Necessarij non sunt; Nam varietas in Essendo proximè &
formaliter constituit contingentiam ut Th VI. indigita-
tum est. *Hoc tamen Notandum, cum Actus Dei dicimus
contingentes ut à ratione contingentis prorsus excludantur Casu-
ale & fortuitum, que imperfectionem actibus illis Divinis pe-
nitius repugnantem, involvunt.*

Th. IX.

Pari ratione, Timpleri & Goclenij, Ens per possibile &
impossibile Dividentium, sententiam improbamus. Im-
possible enim cum purè non Ens sit, Non continetur sub
Diviso Ente, sed eidem opponitur. Membra autem non
debent repugnare toti Diviso. Nota: eum contingens
dicitur medium inter Necessarium & impossibile, Non intel-
ligenda est medietas inter Ens & Ens, sed inter Ens &
Non Ens.

Th. X.

Necessarium hoc variè Distingvi solet. i. in Absolu-
tum & Hypotheticum seu Conditionatum. Absolutè Necessari-
um est, quo Ens in se & sua natura non potest aliter esse
atq;

atq; est; sic omne Ens quod ab Extrinsecis non potest mutari, nec cum Contingentia extrinseca stare, dicitur Necessarium; cum semper uno eodemq; modo se habeat in *Essendo, Agendo & Afficiendo*. Estq; hoc Necessarium absolutum duplex: vel *Simpliciter Necess:* quod nullo modo potest mutari, nec ullo modo sinit rem aliter se habere: & hæc necessitas dicitur *Absolutissima & Independens*, quod ab omni cœla & ab omni potentia *subjectiva*, immunis est, nec alteri suam Necessitatem debet, sed ipsam à se ipso habet, & hæc soli Deo competit.

Th. XI.

Vel secundum quid est, quod non planè & omnibus modis est invariabile, sed ex præscripto creatoris, & inde fluente immotâ causarum cohæsione, non aliter se habet; & hoc ob dependentiam à primo Ente, potest Esse & non Esse, licet in se non habeat intrinsecum corruptionis principium: dicitur alias Necessitas Dependenſ, qualis in omnibus rebus infra Deum reperitur, qd. ab eo Esse habent & Exsistere. Hâc etiam res dicuntur Necessariæ, non solum ob actum Exsistendi, sed ob causas Necessariæ, antegressas proximas. Creaturæ enim hac Necessitate gaudentes, non planè respuunt omnem modum sese aliter habendi: Nam potuissent, vel non Creatæ vel non generatae esse, si Deus liberrimè agens influxum suum vel *Creativum* suspendisset, vel causas ad generationem concurrentes, impedivisset, imò si ipse influxum suum conservativum ad unum momentum retraheret.

Th. XII.

Hæc quoq; Necessitas vel est i. *Substantiarum spirituum finitarum*. Necessariò absq; materia exsistentium, quæq; per naturam non desinunt, non tamen quasi naturæ illarum omnis repugnet desitio (quippe per extraordina-

ordinarium agendi modum, à Deo possunt corrumpi; veluti anima humana, non definit sicut formæ aliæ, per vim causæ secundæ; sicut in arboris ramo est anima, ad eamq; in ramo conservandam requiritur conjunctio sive continuatio ad radicem. Sic quoq; Angeli, nec illi omnimodam habent immutabilitatem, sed naturam à Deo indultam, & contra quodvis corrumpens ita munitam, ut non desinat, nisi Deo placuerit, peculiari modo istam destruere.

Th. XIII.

Vel. 2. *Corporearum* quæ alias dicitur Necessitas physica, & æstimatur ex Necessario influxu & cohæsione causarum Naturalium, quando agens naturaliter non potest non edere talē Effectum, propterea quod illius natura ita ordinata est; ut ignis naturaliter urens, non potest non comburere. Et licet hæc Necessitas immutabilis sit Naturaliter, per virtutem intrinsecam, cedere tamen debet agenti superiori, ut in fornace Babylonica factum esse constat: & hæc pro Diversitate causarum distingvenda est; & quidem

Th. XIV.

1. Ratione Efficientis, cum Efficiens, positis omnibus ad agendum requisitis, ita se habet, ut Necessariò producat Effectum. h. e. cum Effectus Necessariò cohæret cum sua causa; ut homo Necessariò generat hominem. interim certa postulat requisita: 1. Agentis sufficientiam. 2. Patientis habilitatem. 3. Convenientiam medijs. 4. Absentiam impedimenti, &c. Et hæc Necessitas tot habet diversitates, quot sunt gradus efficientis. Efficienti Naturali respondet Necessitas, quæ in cursu causarum naturalium existit. Efficienti Supernaturali, respondet Necessitas obedientialis, quâ coguntur omnes creaturæ obediare suo creatori. Sic sol stetit in pugna Iosuæ, quia Deus ei talē Necessitatem iudixit.

B

Th.XV.

Th. XV.

2. Necess. respectu *Finis*, rectius ad conditionatam Necessitatem refertur, finis enim revera conditionem aliquam ponit, ob quam aliquid Necessarium estimatur; eam ergò suo loco reservbimus. Vid. Th. 20. Th. XVI.

3. Necess. à *Materia* est, cum quid alicui Necessariò convenit ratione Materiæ, ut Corpori N. Quantitas. Nam omnē Materiatum est quantum. Mista Necessariò sunt corruptibilia propter materiam. Th. XVII.

Necessitas à *Forma* est, quæ Naturam formæ insequitur, cum aliquid propter formam se aliter non habet. Et hæc Necess. à causis internis fluens, vocatur alias immutabilitas, quandoquidem causæ internæ rebus immutabilitatem afferre videntur; Nec sine contradictione mutari potest, adeoq; nullo modo mutari potest naturaliter: sic homo Necessario per suam formam homo est, nec fieri potest, ut præsente illa formæ, non sit homo. Hæc quoq; Necessitas duplex esse statuitur: 1. *Constitutionis*, quæ alias etiam dicitur *Definitionis*, qua cuiq; corpori ea inest forma, quæ ei debetur, & quæ talē Essentiam, tanquam ultimus actus præcipue constituit: seu, quando partes. Definitionis Necessariò insunt definitio. Sic animal Necessariò inest homini; rationale Necessarium est homini. dicitur quoq; Necess. à priori. Vel. 2. *Consecutionis*, quâ propriæ affectiones, immutabiliter insunt Essentiæ: ut ignis Necessariò est Calidus, homo Necessariò est risibilis; dicitur alias *Demonstrationis*, cujus absentia implicat contradictionem: ut si homo non habeat definitionem hominis aut ejus essentiales proprietates, non erit homo. Verum Contradictio illa, quam priorum absentia infert, saltem est implicita & respeçtu Dei Nulla, quia per potentiam ejus *Absolutam*, inhiberi possunt. in statu vero & cursu *Naturæ*,

nunquam quidem separantur. Hinc patet Discrimen Necessitatis Demonstrationis & Definitionis. Nam sine ipsa qua ad Definitionem spectant, res simpliciter esse non potest: omnino autem esse potest sine his qua de se Demonstrantur, seu sunt Affectiones propriae, qua realiter distinguuntur a subjecto.

Th. XVIII.

s. Tandem Accidentium, quam propriam & ab alijs distinctam Necessariò obtinent Essentiam & propriam sibi vendicant formalem rationem; ut Quantitas Extensionem.

Th. XIX.

Huc quoque spectat communis illa Distinctio, qua Necessitas dicitur vel Consequentis vel Consequentia. Illa est ipsius rei Necessitas, quæ consistit in Essentiali Causæ & Effectus dependentia: seu quando tam Antecedens quam Consequens in se est Necessarium; ut si homo est animal; Necessariò est sensibilis. Ignis Necessario urit. Hec est cum consequens non est Necessarium, nisi posito Antecedente, sic tamen ut tam Antecedens quam consequens sint in se contingentia; ut si homo currit, movetur; si homo aliquando lapsus est, necessum est Deum, id præscivisse ab æterno; inde tamen non inferendum est, præscientiam esse causam humani lapsus Necessariam. Hac Necessitate Necessaria sunt quæ Deus prævidet, nec illa tollit contingentiam; cum sit in rebus ipsis contingentibus. Non enim propterea lapsus est homo quia Deus prævidit, sed ideo prævidit Deus quia homo lapsus est. Nec enim adfert præscientia Dei rebus immutabilitatem a priori, sed a posteriori: h. e. quando videt Deus rem esse, necesse est eam esse. Interim in Natura sua & respectu causarum suarum, aliter esse poterat, & sic Deus etiam aliter præscivisset. Non enim a scientia Res, sed a Rebus Scientia dependet.

Th. XX.

Ex hisce patet ad quamnam Necessitatem spectant hæc scripturæ dicta. Necesse est Scandala venire, impossibile est ut non veniant scandala. Hæc Necessitas non oritur ex parte Rei, sed ex posita hominum proclivitate ad malum, & infirmitate. *Necessitas enim hypothetica est, qua aliquid non sinit aliter esse, vel ob Existentiam, ut vulgo, omne quod est, eo ipso dum est, Necesse est esse.* impossibile enim est idem esse & non esse; vel ob aliquam causam externam, puta vel i. Efficientem Naturalem vel supra naturalem, cui omnia obediunt; sive præternaturalem; quæ vel est Coactionis vel Violentiæ, quarum descriptiones, vid. Th. III. Huc spectat Necessitas ordinationis, seu præcepti debitiq; & mantri; cum quid non est arbitrium, sed ex mandato impONENTIS faciendum, quomodo bona opera sunt Necessaria. vel simpliciter saltem consecutionis, & ita Necessarium est venire scandala. Vel 2. Finem, unde duplex resultat hypothetica Necessitas, una è suppositione Finis, simpliciter scilicet ratione Sufficienie; altera ratione Expedientiæ, non tam ad *Essere* quam ad *bene esse*.

Th. XXI.

Ex hisce Necessitatis modis facile etiam erit colligere modos Contingentiarum; Nam quot modis dicitur unum oppositorum, tot etiam dicitur alterum. Stoicos hic primo omnium valere jubemus, omnia fati legibus fieri adserentes, & liberum Arbitrium omnemque Contingentiam Tollentes; Nam alias Necessitas hæc & fatum esset causa peccati, & non voluntas vel arbitrium peccantis.

Th. XXII.

Dari contingentiam probatur i. Ex operationibus Divinis, Nam quæ Efficiuntur à Deo, fiunt juxta libertatem si-
ve Consilium voluntatis ipsius, E. possent non fieri; Nam
causa

causa libera est, quæ potest agere & non agere, & quod cum est, posset tamen non esse, contingens est. 2. Probatur ex Actibus Angelicis: Datur in Angelis judicium intellectivum, quod est indicium libertatis, & ubi libertas, ibi quoq; contingentia. 3. prob. Ex ipsis Actibus liberis voluntatis nostræ, quod autem actus illi nostri verè liberi sunt, ex illo liquet, quod secus nec laudari nec vituperari, nec damnari quisquam posset, imò de nulla re consultare, quæ omnia sunt absurdâ. August. lib. de vera relig. c. 13. & 14. dicit, Ablato Libero Arbitrio, auferri judicium & justam poenam vel etiam objurgationem.

Th. XXIII.

Contingens sumitur 1. nimis late, pro omni eo, quod fieri potest, & non est impossibile, quomodo multa necessaria essent quoq; contingentia 2. nimis strictè pro fortuito & casuali. 3. Adæquatè prout contingens dicitur quod aliter se habere potest & opponitur Necessario. Et hoc locum habet tum in causis Naturalibus, & vocatur ἐνδιχόμενον ἐπὶ στολὴ καὶ ἐπὶ πλευρῶν, contingens ut plurimum; item contingens determinatum; Tum in Agentibus liberis, & vocatur Contingens ad utrumlibet, vel contingens indeterminatum.

Th. XXIV.

Contingens est vel Absolûte tale, quod nullâ suppositâ Extraordinariâ Dei Actione desinere potest; vel, quod ex se & suâ naturâ desinit, ut homo, Leo &c. Vel Secundum quid, & hoc ferè idem est cum Necessario secundum Quid: quale quid Angelus & anima rationalis.

Th. XXV.

Contingens præterea aliud est ratione Subjecti, quod raro convenit subiecto, ut Ecclipsis Soli & Lunæ: aliud ratione cause, quod & positâ causâ raro fit, vel non semper ut inventio Thesauri, in fossione agri. & rursum Necessi-

et causali, totuplex quoquè Contingentia opponuntur.
Th. XXVI.

Si quis contingentiae causam quærat, & quotuplex sit illa? I^{ux}. Duplicem esse; Alteram univerlissimam Divinam voluntatem; particularem alteram. Materiam scilicet in rebus Naturalibus; voluntatem verò in ijs quæ per intellectum operantur. Hoc quoq; Notandum: Futuri contingentis non esse determinatam veritatem, scilicet res pes. Etu hominum, cum propter Naturalem rerum inconstiam, tum ob humanæ mentis, quæ per se futura prospicere non potest, imbecillitatem; Licet esse potuerit quæ Divinam præscientiam revelationemq;;

Th. XXVII.

Dividitur demùm Contig. in Extrinsicam & intrinsicam. Illa est quæ aliquid propter Externum principium aliter se habere potest, qualis contingentia cadit in omnes creatureas si cum Deo conferantur. Hec est ipsa voluntatis libertas, quæ aliquid agere vel non agere potest, quæ contingentia non tantum agentibus voluntarijs, creatis, sed ipsi etiam Deo, eminentissimo modo convenit.

Soli Deo Glorja!

Viro Juveni ingenio, doctrinâ & Virtute insigne
gniter conspicuo,

DN. NICOLAO Bagge Smol. artium Philos. Candidato dignissimo, Sacræ Reg. Maj:ts Alumno soletissimo, amico suo syneerè honorando, pro summis in Philosophiâ honoribus disputaturo

PARVO arguta cibo vivit contenta cicada,
Sole sub ardenti nascitur atque frequens.

Sic

Sic victum tenuem & compacta mapalia glebis
Fortuitis artes ingenuæ cupiunt :
Nec nisi ferventi veniunt ardore laborum,
Lis est cum Musis maxima divitiis.
Testis, cui certum minitatur Pallas honorem,
Musarum prodit gloria Bagge chori.
Pauperiem modico contentus semper amavit,
Et rerum dominus nil cupiendo fuit ;
Otia vitavit: Nunc præmia justa seqvuntur,
Gratulor: hæc ipsi prospera redde Deus.

L. mg. gratulabatur

ANDREAS THURONIUS
Acad. h. t. Rector.

Personat in vulgo, cui mens est nescia recte,
Res Sophia est parvi, gloria fluxa soli :
Morio sed nescit quid distent æra lupinis,
Evehit è vulgo Te Philomuse scies.
Philtris Parnassi tintis dat culmina Pindi
Scandere, Palladias hos facit alma domos,
Dat digitis gemmas, capiti dat lilia, mitram,
Ornat te varijs candida crede modis.
Comperes id verum jam jam mi Candide Bagget
Tu quia lustraras abdita tesqua Sophow,
Concio clara probat, probat hæc tua chartula præsens,
Præsens Te clarum, tantula charta docet,

De du-

De duce præcessâ Reginâ leta Sophia;

Quâ monstras genij munera clara tui.

Sume brabium igitur, Sudoris præmia sume

Sis voveo Patrij gemma corusca soli.

Præstantissimo Dn. Candidato, Fratri
suo integerrimo, novos honores
sic gratulari voluit

OLAUS VALLINUS.

Nectareum Nomen Nectis Nexus Numeroso,
Indolis Ingenuæ Iuvenis Iunctissime, Iure;
Castalijq; Chori Comitatur Clara Corolla,
Ornatq; Officijs Obsignans Omen Ovando.
Laurigerum Lepidè Lucrosaq; Laurea Laudat,
Artibus Aonijs Accinctos Affabré Adornans,
Uteriusq; Vovet Vitam Virtute Virentem.,
Splendida Sicelidum Surgentia Sceptra Sororum
Muneramox Merito Meditantur Mente Modestâ.
Aonidum Augustis Adhæsisti Artis Amore
Gymnasijs, Gnavo Glomeratur Gloria Grandis;
Nodosum nā Nunc Nitidus Narratq; NECESSE,
Inclitus Inceptis Incedes Jugiter Inde.
Blanda Brabea beent Bellum Bonitate Benignâ,
Auspicijsq; Amplis Adsint Antistitis Almi.
Gratamur Graphijs Genuinis Grata Gerendo,
Gloria Gemmiferi Gnarō Gremio Geminetur,
Extetq; Eximijs Encomion, Exulet Error!

Sic Præst. Dn. Candidato, fratri suo integerrimo, Non
quidem ut debui, sed ut festinâ, amicâ tamens,
manu potui A. M. L. Mj. Applausi

PETRUS PLATINUS

Wex:ā Smolan.